



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко” Крыница.

Всіх читателей, котры не вплатили ище пренумераты, просиме выровнати якнайскорше рахунки.

Также просиме присылати членскы вклады до Лемко-Союза.

Просиме присылати материял до календара на рок 1936.

На што треба нам грошей!

В попередных числах Лемка порушено справу несеня помочи Руской Бурсі в Горлицах и подано форму збераня жертв.

По перечитаню обчисленя, яки сумы може принести добре переведена акция збераня в той формі жертв, може здавати ся не одному, же горлицка бурса не потребує такой выдатной помочи, бо преця долги має незначны (всього около 500 зл.) а за учеников родичи платят. Треба може доложити дашто до удержаня поодынокых учеников, але тото всьо може вынести не больше як 1000 до 1500 зл. рочно. Таки и тым подобны розсудженя на тоту тему можут сильно ослабити саму акцию збераня жертв. Штобы до того не допустити, треба при выділі Руской Бурсы в Горлицах основати отдільный комитет и покликати до него людей со всіх сел, а по крайной мірі со всіх зборных громад цілой Лемковщины.

Члены того комитета переведут в першой мірі в своих регионах агитацию за зберанем жертв на бурсу в Горлицах, а погодивше займут ся розділом собраного добра. Таким способом оживит ся саму акцию пожертвовань, а также здобуде ся доіріє у цілого населеня, бо члены комитета будут могли все сказати жертводателям, килько жертв собрано и на што они были Perezначены.

Зрозуміла річ, же в першой мірі треба дати помоч тому товариству, котре уж существує, але дальшима етапами той акции буде уділяне запомог ученикам-лемкам, находячим ся по інших містах, як Новый Санч, Ясло, Коросно и Сянок, а также закладанє по містах новых приютов для учачой ся молодежи. Члены комитета, походячи со всіх повітов Лемковщины, будут все знати, где єст яка потреба и в міру средств комитет буде помагати всім.

Найлучше было бы не роздробяти силы,

але уфондовати одну сильну инстытуцию и розбудовати ю так, штобы помістила як найбільше учеников. Користь [с того єст двойна. Перше, администрация коштує меньше, друге, если мы в якомси одном місті збереме 100 або и больше учачой ся молодежи, то мусиме выбороти для ней в школі языковы права, котрых не доста- неме николи, маючи школьную молодеж росшмарену по килькох містах. Амбиции льокальны не можут ту грати жадной ролі, таксамо аргументы далекого отдаленя от Горлиц, бо коли бурса в Горлицах буде мати фонды, то напевно буде принимати часть учеников совсем даром, а трудолюбивым и бідным ученикам покупит аж и одеджу и книжки и заплатит за них школьную оплату.

Але треба, жебы были гроши, а гроши будут, як буде охота. Прото, без закладаня рук, без огляданя ся на других и без великого розсуджаня справы берме ся всі до збераня жертв на Руску Бурсу Горлицах в формі описаной в попередних Н-рах Лемка.

Розсуджати будеме погодивше, як будут гроши, а тепер до работы.

Закладайме молочарні.

Головны доходы мали наши предкы с хова живины. Они выпасали воли и ховали кырделі овец и коровы, котры давали им добры доходы и были фундаментом их господарств.

Уж сама природа показала им такы способы газдованя, бо на гористых наших жбырках родит ся слабо зерно, але за то паша єст барз поживна и живина, кормлена

том пашом, розвиват ся добре и коровы и овцы дают добре и смачне молско. Тож и масло зроблене с того молока єст смачнійше и має в торговлі высшу ціну от масла низинного.

Тож если сама природа показує нам дорогу, по котрой має поступати наше господарство и способы веденя тых господарств, то мы мусиме слухати нашу землю-кормилицу и перестати силити ся на выдобытє с землі доброй вроды зерна, котрой аж и при наилучшой обробці ґрунту осягнути не потрафиме. Натоміст цілу нашу увагу мусиме звернути на годовлю добрых коров и молочарство и на управу пасовиск и лук. При малых господарствах, яки наме на Лемковщині, не оплачат ся однак самому перерабяти молоко, бо машины до переробкы молока сут дост дороги, а переробка старым способом дає масло планьше, меньше покупне и маюче на рынках ціну низшу. Прото другы народы уж давно зашкарили таке молочарство. Зрозуміли тото люды и у нас и в многих селах закладают кооперативны молочарні, в котрых перерабят молоко машиново под фаховым надзором и таким способом одержуют масло лучше, смачнійше и дорозше.

И в нашем повіті, а именно во Флорынці начинают люды думати о основаню такой молочарні. Вступны інформаційны собрания уж ся odbyли а тепер в неділю

дня 3. листопада о год. 12-той отбуде ся в Флорынці в дому Василя Дубца собрание членов основателей со слідующим порядком дня:

- 1) Открыте собрания.
- 2) Доклад с переведеных до тепер переговоров.
- 3) Реферат о молочарстві и его користях.
- 4) „ о користях с хову червеной живины.
- 5) Приступленє в члены.
- 6) Выбор Правленя.
- 7) Внесеня членов.



Пренумерата в краю:

30 грошей місячно,
80 „ квартално
1-50 „ полрочно,
3 зл. рочно.

В Амерыці: 1 дол. рочно.

В Чехословакии:

2 кор. місячно, 10 кор. полрочно,
20 кор. рочно.

Контото чекове Нр. 404.155.

В виду того, што на том собраню будут обсуждати ся sprawy важны, бо такы, котры можут змінити радыкально характер господарств горських и причинити ся до поднесеня дождов с тых господарств, просиме о як найчисленнійшу участь в том собраню.

Крім сусідних сел залежит нам сильно на том, штобы приняли в нем участь также жителі пов. горлицкого, котры повинни также у себе, Устю, Ганчові, або Смерековци основати чимскорше таку молочарню. Належит выкористати случайность, же тепер наше правительство перезначило великы суммы на кредиты на устройство коопера-

тивных молочарень. С тых кредитов можут скористати и наши лемковскы села, котры не заспят грушок в попелі. На початок повинни мы стреміти до того, штобы мати в каждом повіті хоц по одном кооперативной молочарні. Тоты молочарні засилят наши господарства в готовый грош, о котрый тепер так трудно, а также оживят рух в наших кооперативных skleпах.

Тому не жалуйме труда, але в неділю дня 3. листопада о год. 12-той явме ся численно в Флорынці, а може бесіды и выголошены рефераты переконают нас и укажут путь к лучшей будущности.

ВОЙНА АБИСЫНСКО-ИТАЛИЯНСКА.

Як уж в попередном числі Лемка денесено, начала ся война медже Абисыниом и Италиом. Дня 3. т. м. италянскы войска перешли через границу и начали военны дійства, машеруючи в глубину Абисынии. На нич здали ся долги нарады в Женеві, не помогли мирны наклики, ани угрозы со стороны Англии, котра с каждым днем што раз выразнійше противит ся стремлениям италянским. Война уж ся начала и не знати, коли ся окончит. Сут уж тысячи убитых и раненых. Италияне бомбардныма самолетами и артылерыйскыма кулями торують собі дорогу в глубину краю, але в многых місцях натрафяют на сильный, просто фанатичный упор абисынцев.

Италянска офензыва на трох фронтах.

Войска италянскы посувають ся на трох фронтах: полночном, полночно-восточном и полудневом.

Найкырвавша єст до тепер офензыва полночна. Начала ся она с Асмары и стреміла до опанованя трох міст: Адиграт, Аксум и Адуа. Два тоты міста, крім Аксум италияне уж заняли.

Друга офензыва вышла с Ерытрек, с того місца, где граничат с собом Ерытрея, французске Сомали и Абисыния. Она стремит до опанованя желізной дороги Аддис-Абеба — Джибутти. Таким способом хотят они перервати довоз всіх транспортов до Абисынии. На том фронті абисынчики окружили часть италянских войск и задали италиянам великы втраты.

Третий фронт на полудни розвинул ся с италянского Сомали в напрямі краю Огаден. Ту абисынчики ставят слабый упор и завзяты бои росограют ся аж в глубині краю, коли войска италянскы утерпят от пустынных бездорожий, малярин и недостатка воды. Натоміст на полночном фронті ставят абисынчики несподіваний и завзятый упор.

Мордерчи бои о Адуу.

Тота завзятка уявнилась при мордерчих боях о Адуу, где бои тревали около 60 годин. Абисынчики боронили каждой уличкы, каждого дому и густыма трупами значили италияне свою дорогу. Особенно завзято метали ся абисынчики на итал. офицеров и на білых вояков, попадаючи на их вид в правдивый шал. Наконец италияне опановали Адуу, але по обох сторонах страты сут великы. Ци удержат ся они однак в Адуу, не знати, бо абисынчики припускают што раз новы атаки с перемінным счастьем. До неволі не брала в тых боях

жадна армия. Ведено борбу на смерть и житє. Войскам италянским докучат климат и недостаток воды. Дух в армии абисынской єст добрый.

Бомбы и летучкы.

Летчики италянскы запускают ся нераз далеко в глубину краю, бомбардуют села и міста и мечут летучкы, в котрых голосят, же приносят абисынчикам свободу, и што головна их ціль єст обалити теперешного цисара и привернути давну дынастию.

Армия италянска посуват ся барз поволи на всіх фронтах, бо абисынчики нападают на них с крыєвок, втігают их в матні и потом мордуют цілы отділы. В борбі с чолгами абисынчики приміняють методы уживаны при ловах на слоні. Именно копают глубоки ямы, накрыты галузем и листем. Уж 4 италянскы чолгы впали в такы ямы, убиваючи цілу залогу.

Италияне не можут в той войні уживати авт, бо на терені военном ніт дорог, лем стежки. Аж тепер поширают италянскы роботничы колюмны тоты стежки и заміняют на дороги.

Убиты и ранены.

Як велике єст число убитых и раненых, трудно подати. Дакотры газеты подають, же по стороні Абисынии число убитых и раненых уж в першом тыждні выносило 5 тысячей. По стороні италянской число того мало быти кус меньше. До того часу число того увеличилось значно так по одной, як и другой стороні.

Барз завзяты бои будут коло міста Аксум, котре абисынчики уважають за святе. Там коронуют ся всі цисары Абисынии и абисынчики организуют там сильну оборону.

Вожди в войні италянско-абисынской.

Начальным вождом италянской армии в Африці єст генерал Еміль де Боно, бывший килькократный министр в правительстві Муссолиного. Добрый знаток колонийных справ. Яко губернатор Либии борол ся против збунтованым тубыльцам. Другым вождом єст генерал Рудольф Грианциани, котрый доводит фронтом сомальским.

Третий генерал Аттилио Теруцци єст также добрым знатоком діл колонийных и грал выдаючи ся ролю в политичном житіу Италии в послідных літах.

Начальным вождом армии абисынской єст турок, генерал Вегиб Паша, котрый уходит за одного с найспособнійших генералов турецких.

Конфликт италянско-абисынскый насунул єму гадку взяти участь в той войні. Єст то поважный стратег. Уж в часі перших конференций с цисаром высказал ся он рішительно за войном. Он єст перекопаний, же италияне помимо техничной перевагы побіды отнести не могут. Он выготовил плян мобилизацийный абисынской армии и плян обороны краю. Генерал Вигиб Паша єст инициатором ночных нападков, котры наносят италянской армии великы втраты.

И так, обі стороны мають великих воєвников и добрых стратегов, обі стороны сут певны побіды, а тымчасом ліє ся кров тых, котры совсем не хотіли войны.

Новый склад Правительства

Дымісия Правительства полк Славена и утворене нового кабинета.

Правительство премьера Славена подало ся 12. жолтня до дымісии. П. Президент Р. П. возвал до себе министра внутр. діл, Маріяна-Зындрам Косцялковского и повірил єму мисию утвореня кабинета.

Дня 13. жолтня премьер Косцялковскый утворил нове правительство. Официально комуникують, же на внесене премьер Косцялковского П. Президент зеименовал:

Воєводу Краковского, Владыслава Рачкевича министром внутренних діл.

Полк. Осифа Бека, министром заграничных діл.

Генер. Тадея Каспржицкого министром воєнных діл.

Евгена Квятковского, министром финансов.

Чеслава Михаловского, министром правосудия.

Константина Хылинского, министром віроисп. и просвіщеня.

Юлияна Понятовского, министром рольництва и реформ ролн.

Романа Горецкого, министром промысла и торговлі.

Ммхаила Буткевича, министром комуникации.

Владыслава Ящолта, министром соціальной опеки.

Емиля Калинского, министром почт и телеграфов.

О год. 10-той новы министры зложили присягу на руки п. Президента.

Вожд абисынскый зрадил цисара и поддал ся италиянам.

Оден вожд абисынских войск, Гугса зрадил своего цисара и поддал ся Италии. Он приказал запровадити себе до палаткы италянского генерала де Боно и заявил єму, што має он 15.000 вооруженых людей, котры хотят потдати ся приказам Италии.

Заявленє своє Рас Гугса окончил желанєм, же хоче выіхати до Италии и отдати честь Муссолиному.

Гугса єст потомком абисынского цисара Ивана и зятєм теперешного цисара Абисынии.

Обще собрание

членов Общества Руска Бурса
в Горлицах

отбуде ся в неділю 27. жолтня 1935 о год.
10 рано в власном домі с слідуячом програ-
мом дня:

1. Открытє общего собрания и выбор пре-
зидии.
2. Доклад о діяльности и кассе спра-
возданє.
3. Доклад Контрольной Комисии.
4. Дискусия над докладами и уділенє
абсолютории виділу.
5. Выборы нового выдїла и контрольной
комисии.
6. Предложеня и запросы.
7. Закрытє общего собрания

Если в означеном часі не збере ся озна-
чене статутном число членов, то слідуяче
общее собрание отбуде ся того самого дня
о годину позднійше с том самом програмом
дня, рішеня котрого будут важны без взгля-
да на число участников.

Выдїл бурсы.

НА ПАМЯТНИК БЛ. П. О. П. И А. САНДО- ВИЧАМ В БРУНАРАХ

жертвовали в дальшом тягу в зл.:

- 1) о. Ив. Полянский, Рыманов 10—и вызы-
ват: д-ра В. Качмарчика с Хелмжи, д-ра Т.
Курылло с Равича, о. Е. Васильчака с Тата-
ринова, о. В. Бартка с Рыманова и д-ра
З. Копыстьянского с Куликова. 2) И. П. С.,
Бережаны—5. 3) о. И. Тытар, Ганчова—4.
4) Елена Феничова, Войкова—3. 5) Читаль-
ня им. Качковского, Андреевка—3 и вызы-
ват: читальню им. Качк. с Милика и о. Бу-
геру с Милика. 6) Михаил Москва, Лосє—3.
7) Всев. Труш (сбор), Станиславов—2-50.
8) Иван Ромцьо, Устє Руске—2-50 [и вызы-
ват: дыр. О. Ткача с Самбора, Ив. А. Муд-
рого с Самбора и Николая Ив. Мелеха
с Самбора, 9) Михаил Кметко Вітрне—2.
10) Йоанна Вислоцка, Пантна—2. 11) Иван
Дутканич, Горлицы—2 и вызывают: Андрея
Доклю и Петра Собина с Бортного. 12) Иг-
натий Гарагуз, Ганчова—1. 13) Павел Юр-
ковский, Сквиртне—1. 14) Анна Трембач,
Цеклин—0-50. 15) Юлия Карел, Лосє—
0-50. 16) Павел Карел, Лосє—0.50. и 17)
Методий Трохановский—Новый Санч 5 зл.
и выкликує Ексцеленцию Апостольского
Администратора с Рыманова, д-ра Ореста
Гнатышака с Крыницы и Веру Кирил. Мох-
нацку с Прремышля.

Кто слідуячий?

Жертвы просит ся посылати на адрес:
Николай Юрковский упр, школы с Сквирт-
ном, п. Устє Руске.

Убийцы бл. п. министра Перацкого станут перед судом дня 18 листо- пада

Слідство в ділі убийства бл. п. министра
Перацкого было удержане в великой тайні:
Аж тепер по врученю виновникам актов
обжалованя, можна подати их назвиска.

Главным лицом на лаві подсудимых буде
Стефан Бандера, а зараз коло него Николай
Лебед и Дария Гнадківска.

Безпосередныма организотарами на те-
рені Варшавы были Лебед и Гнадківска,
але всім правил видно Бандера, если акт
обжалованя высунул его на перше місце.

Дальше находят ся назвиска подсудимых:
Ярослава Карпиница, Николая Климишина,
Богдана Підгайного и Ивана Мальца.

Той групі зашмарят ся того, же давала
помоч убийцы бл. п. Министра Пер., Григо-
рови Мацейці (псевдоним Гонта) через до-
старченє ему оружия, средств выбуховых,
а также сорганизованє злочина в тот способ,
же его выполненє, оброблене в подробностях,
могло быти Мацейком выполнене.

Акт обжалованя зашмарят также подсуди-
мым нагваряне Мацейкы до убийства.

Дальше иде група зложена с пятох особ,
котрой зашмарят ся уділяну Мацейці помоч
в утечі. Помоч тота была так добра, же
Мацейко потрафил утечи за границу и не
зловлено его.

До той группы належат: Яков Чорный,
Евген Качмарский, Роман Мыгаль, Катарина
Зарицка и Ярослав Рак. Всі они сут укра-
инцами в віку от 20—30 літ. Сут то люды
интелигентны, переважно студенты универ-
ситета. Підгайный єст инженером. Росправу
назначено на 18. листопада. Она потреває
наименьше місяць. В характері свідков по-
кликано 144. людей.

Што єст до работы перед зимом.

В дому треба поробити порядок, покля
єст погода. Окна помыти и приготовить
до заосмотреня на зиму, приготовить паливо
и нафту на зиму.

Переробити компост. В садах собрати
решту овощей и складати до сухых пивниц
або холодных поміщень. С уляженных и по-
толченных овощей робити оцет. Подсушену
цибулю сховати на стрых.

Под конец місяця можна уж садити дерев-
ка овощевы, а по крайней мірі на выбранных
в саді місцах выкопати доли и заправить
компостом.

В огороді скопати грядкы и знавозити.
Под зиму можна засіяти морков, петрушку,
и аж и буракы, але аж так поздно, жебы
в осени не посходили. Так засіяна ярина
килчит вчас на весну и дає нам в часны
плоды.

ГОЛОД, ЖАЖДА И МАЛАРИЯ ЖДУТ НА ИТАЛИЯН В АБИСЫНИИ.

С начатем войны италянско-абисынской
появляють ся в газетах розличны предска-
зана на тему, кто выграт тоту войну. Най-
вече заинтересованя будит заявленє одного
шведского генерала, Виргина, котрый єст
дорадником цисара абисынского. Он выска-
зал ся, же Италия не може выграти тоту
войну. Аж и втотчас, коли опанує масу
міст и желізну дорогу, ведучу со столицы
до Джибутти, грозит Италии програна, бо
в глубині краю где италиян голод, жажда
и малярия. Виргин кончит свое заявленє
закликом под адресом Италии до заключения
мира, котрый не принесет стыда армии, бо
Абисыния єст краєм, котрого никто чуджий
не потрафит опановати.

СТРАШНЫЙ ПОЖАР ВАРШАВСКОГО УНИВЕРСИТЕТА.

В ночи на 3. жолтня повстал в Варшав-
ском Университеті страшный пожар, котрый
знишил цілковито зоологичный музей о ве-
личезной вартости. Музей тот зложено

в р. 1818 и от того часу громаджене в нем
оказы великой вартости. Таких оказов мал
музей около 60.000 штук и всьо того стало
ся жертвом огня.

Страты сут так великы, же не даст ся их
на разі ани в приближеню обчислити. Як
подають газеты музей тот своим боґатством
не уступал музеям заграничным и занимал
четверте місце, по льондонском, петроград-
ском и московском.

Причины огня сут не знаны. В музею не
ночовал никто и тому никто не мог его под-
палити. Предполагають, што причиною огня
было або коротке сполученє електричного
тока, або огонь повстал от недопалка сига-
реткы, шмареной дагде в кут ище в попе-
редный день.



ЦЫГАНЫ ХОТЯТ РОБИТИ НА ГРУНТІ.

Цыганы выслали до центральных властей
в Варшаві делегацию, котра просила наділити
цыган землем. Делегация представила
властям их барз тяжке материяльне поло-
женє, выкликане тым, же торговля конями
устава, побіляне посуды приносит мало до-
ходу, бо тепер уживають посуды емалиова-
ной, або алюминієвой. Таксамо мало зара-
бяют ворожбитством цыганкы. Прото цыга-
не хотят зашмарити кочовниче житє и осісти
на землі. Цыган єст в Польщі около 10
тысяч.



ВОЕННЫ СИЛЫ СОВІТОВ.

Газеты подають, же Совітска Росия держит
тепер 940 тысяч войска. Крім того сут
спомогательны отділы, котры числят пол
миліона людей, так, же силы красной ар-
мии обчисляют в мирный час на полтора
миліона мужа. Самых лем офицеров має
красна армия 40 тысяч. Военны резервы
позволят на случай войны змобилизовати
Росии 10 миліонов людей.

От 1932 до 1935 р. сформовано в Совітах
2 новы корпусы піхоты, 24 дивизий стрі-
лцов, 3 дивизии конных войск, 748 легких
батарей и 25 тяжкых батарей артиллерии.
Ціла легка совітска артиллерия має тепер
4800 армат, тяжка 700 армат. Танков мають
Совіты 3500 штук.

Фабрыкы будують там для ярмии много
автомобилей. В січні 1935 р. збудовали 75
тысяч автомобилей, а до конца 1937 року
в большевицкой армии має быти взіх авто-
мобилей пол миліона.

Совіты мають около 10 тысяч самолетов,
в том числі 1800 аероплянов для шмарян
бомб. Легкы самолеты мають пересічну
скорость около 400 км. на годину. Тепер
будують в Совітах великы самолеты, котры
будут літати со скоростью 250 км. на го-
дину. Будують там также с поспіхом новы
кораблі и направяють стары. Всьо того дока-
зує, же Совіты приговляють ся не на жарты
до войны.

КТО ХОЧЕ ЗАБЕЗПЕЧИТИ СЯ
НА СТАРОСТЬ, АБО ЗЛОЖИТИ ДІТЯМ
ПРИДАНЕ НАЙ

заасекує ся
в Асек. Товаристві
Вита и Краковске
во ЛЬВОВІ

Што чути в світі.

В Токио (Японія) в останньому часі закінчено для японської флотії будову численних підводних лодок о довготі 36 стоп, котрі мають служити до розслідування глибини моря. Виконані проби в заливі Сагану недалеко Токио дали добрі результати.

Лондон: По донесенням з Александрии, через канал Суєський перевезли в продовження останніх місяців італійські кораблі, котрі вертали з Африки, 26.455 італійських вояків, котрі захворіли на тропікальні недуги.

Джибути: До Абисинії надходять морем безперервно великі транспорти зброї та амуниції. Тієї транспорти перевозять з Джибути залізничні до столиці Абисинії, Аддис-Абеби. В останніх днях перевезено там 60 мільйонів патронів та 250 машинових карабінів.

Совітський літак Кокинакі внісся для дослідних цілей на літаку о одному сильнику на висоту 11.800 метрів, утримуючи ся дост. довго на тій висоті. Температура опала до 60 градусів мороза, а поперемі того літак чул ся добре та апарат дієвавав справно.

Вашингтон: Президент Рузвельт узнав, що між Італією та Абисинією існує стан воєнний та ввиду того оголосив декрет, котрим наказав продавати воюючим сторонам воєнні знаряди та баволну. Тієї, котрі закрючуют транзакції з одним з воюючих сторін, зробят тото на власний ризик. За непридержуванє ся декрета єсть передбачена кара до 5 літ в'язниці та 10.000 доларів.

Берлін: Поперемі успокоительних комунікатів властей, населенє берлінське єсть дальше занепокоєне по поводу недостаточного приділа масла та впровины по склепах.

Агенція Рейтера подає провізоричні результати клайпедських (Литва) виборів. Німці достали понад 150.000 голосів на загальну суму 190.000 виберателів. С того слідує, же на загальне число 29 мандатів, німці достанут 23 або 24 мандати.

Ліга Народів признала, же нападником в війні італійсько-абисинської єсть Італія, ввиду чого будуть заряджені против Італії санкції карні.

Правительство Абисиніє поручило своєму послові в Римі отобразити свій паспорт та вийхати з Риму.

Аддис-Абеба. Два італійські літаки бомбові ударили один о другий в повітрі та упали на місто Герлогу. Літаки убили ся.

Совітські статистики подають, же совітська армія числит тепер 10 мільйонів війська та має 4.300 літаків, між ними 150 тяжких бомбових, 3.500 танків та панцерних самоходів, 4.500 легких та 700 тяжких армат.

Атени. Вожди Грецької армії звернули ся до прем'єра Тсардариса з заявленєм, же армія желат собі короля та привернення монархії.

Аддис-Абеба: Через ріку Таказ перешло 5000 хворих на проказу (trędowatych) абисинців, походячих со святого міста Деабат та ідуть в сторону міста Аксум, Італіяне, знаючи, же не можуть числити на своїх чорних вояків, котрі так, як та абисинці не отважат ся стріляти до прокажених, котрих уважають за святих, рішили с літаків обметати прокажених слезними бомбами, а якщо та тото не допоможе, то стріляти до них с машинових карабінів.

Рим. Факт, же не оголошено до тепер листів втрат італійських військ в Африці, викликає в Італії велике занепокоєнє. Всі боять ся, же втрати тієї єсть барз великі.

Вісти с краю.

Варшава: Пан Президент Р. П. зарядженєм с дня 7.Х. т. р. закрьл незвичайну сесію Сейма та Сената.

Варшава: Ліга Поширення Туристички вистарала ся в Министерстві Комунікації о залізничних знижках для людей удаючих ся до Кракова на ряд імпрез, а іменно: перший середовічний ярмак, видовиска середовічний, заводи фехтункові та лучникові, середовічний обряд студентський та і.д. Знижки будуть важні от 18.Х. до 5. листопада т. р. во всіх класах всіх поїздів. На основі карт участництва, выдаваних безплатно, учасники будуть могли в поворотній дорозі с Кракова до місця перебування достати залізничні білети по ціні 25 1/2 нормального білета. Обов'язує лем купно білета входу на виставу спортові-туристичну в ціні 2 злоті.

На засіданні відання почеси пам'яті бл. п. міністра Перацького під керівництвом мин. Косцілковського рішено назначити дату перенесення тіла бл. п. Міністра Перецького с дотеперешної гробниці до вбудованого маузолея в Новому Санчі. Перенесенє тіла наступит в жовтні т. р. Промову вимовит віроятно мин. Косцілковський.

Рішено також основати стипендіальний фонд ім. мин. Перацького під керівництвом кожочасного начальника 4-го полка піхоти Легионів Польських та передначено на тото цілє 50.000 зл. та вибити бронзовий медаль к почеси убитого міністра, а також видати друком єго писма та політичні бесіди.

Криниця: В Здравом Заряді в Криниці відбула ся конференція місцевих організації під керівництвом бурмістра М-стра Закржевського та при участі делегата міністерства комунікації в ділі будови колійки лінійової на верх паркової гори. На конференції рішено приступити до будови колійки вчас на весну, щоб роботы, закінчити ужо с кінцем червня. Довгота штреки виводит околом 900 метрів. Мають примістити силу електричну. Ціну переїзда обчислюють на околом 30 грошей, кошт будови обчислено на околом 650.000 зл. Міністерство комунікації учаєтвувє в 51 1/2, а решту відків викупят місцеві організації, як: Ліга Поширення Туристички та Закопанська С-ка, котра будувє колійку на „Каспрівий Шит“.

Дерева квітнуть: С різних сторін краю доносять, же в останстві тепла деякі дерева покрьли ся квітєм. На Покутю та Подольо закрітли яблони. О тото самом доносять от Лодзі, Каліша та Познаня.

Заряд. Читальні ім. Мих. Качковського в Криниці-Селі

уряджат в суботу дня 19. жовтня о год. 8. вечером в салі „Багателя“ в Криниці-Здрю

Осенню забаву с танцями,

на котру запрашат всіх членів та симпатиків.

Дешевий буфет

Різні приятні несподіваности.

Вход: 1 зл. лем за запрошеннями, котрі можна достати також при касі.

В ЗИМІ ОТБУДЕ СЯ В КРИНИЦІ СЕЛІ курс ткацкий

Оплата за науку на курсі виводит 2 зл. Учасники курсу не достают поміщення та удержання. Курсанти мусять приготувати льняну, або вовняну пряжу. Мусять они собовязати ся перестерігати ризиків шкільний.

Зголошеня приймає адміністрація газети Лемко в Криниці.

Важно для читальні та аматорських кружків!

В КРИНИЦІ-СЕЛІ ОТБУДЕ СЯ ДВО-МІСЯЧНИЙ

КУРС ДИРИГЕНТОВ ХОРОВ.

Курс начне ся 1. листопада т. р. та обійме теорію та практику потребну до ведення аматорських хорів. Буде учити ся також церковного співу.

Оплата за науку на курсі виводит 20 злотих. Курсанти с інших сел достанут поміщення, без удержання. Удержанє мусять покрьти сам курсант.

Крім того устроює ся в тото самом часі також

ВЫСШИЙ КУРС

для тих, котрі ужо в прошлом році закінчили курс низший. Оплата за курс вищий виводит 25 злотих.

Зголошеня приймає

г-н Александер Ропицький в Криниці Здрю (дом г-на Александра Поглида)